

欽定大清會典事例

欽定大清會典事例卷一千一百九十五

內務府

園圃

造 南苑苑戶 錢鹿戶 支給馬乾 艾割羊草 湯山

職掌 湯山苑戶 暢春園職掌 暢春園園

戶 三山職掌 頤和園園戶 仰和處職

職掌 水手承應 綉戶 執事人 織染局

物 查數絲斤 綺華館

南苑苑戶。○原定。

南苑苑戶。每名給地二十八畝。○康熙三十年新

舊

行宮。各設灑掃苑戶十六名。○五十二年。南紅門  
行宮。增設苑戶三十二名。○五十六年。

永慕寺設苑戶十名。○乾隆四十六年。園河  
行宮。增設苑戶三十二名。

海戶。○原定。

南苑海戶一千八百名。內千戶二名。總甲二十二  
名。小甲八十八名。巡青海戶四十八名。門軍八  
十一名。海戶一千五百九十九名。有缺以其子  
弟頂補。○康熙十一年奏准。

南苑海戶。各給地二十八畝。○二十七年奏准。增

設海戶四百名。即以海戶子弟充補。每名照例撥給地畝。○五十一年奏准。裁千戶二名。總甲十名。小甲四十名。門軍四十五名。海戶五百三十名。原給之地。悉行撤回。總甲每名各增給地三十二畝。小甲及巡青海戶每名各增給地十二畝。尚餘地八十八頃八十八畝。仍為羊草地。其牆外馬道及通州等處退出地畝七十四頃。交戶部令該州縣徵收錢糧。○乾隆二十四年奏准。於海戶內增設頭目二人。○六十年奏准。於總甲內委副頭目二人。○又奏准。裁汰海戶四

百名。原給之地。悉行撤回。頭目各增給地一頃八十畝。副頭目各增給地一頃二十畝。總甲十名。各增給地一頃二十畝。餘地九十四頃。分給小甲及巡青海戶等。各有差。

芟割羊草。○乾隆五十四年奏准。每年令莊頭海戶等。交納羊草五十八萬束。內廢園咨取十萬束。餘按每束定價二釐五毫鬻賣。計銀一千二百兩。其廢草亦令莊頭海戶等全行芟除。聽附近居民繳價承買。每擔定制錢二十文。除給飯食及採買豆葉動用外。餘贖銀兩。即存廣儲。

司庫。凡遇芟草之時。飭令守苑員弁。嚴巡稽察。修造。

南苑內圍牆。隨時黏補。孟福橋等處橋梁。三年一次修造。均動用收存羊草銀兩。如有不敷。由奉宸苑奏請內帑。得。

旨。後移咨廣儲司支領。

餵鹿。○乾隆十七年奉

旨。祭祀所用鹿。交靜宜園餵養。○五十一年奏准。

靜宜園所有祭祀鹿。交苑餵養。奉

旨。嗣後所進小鹿。俱著交南苑。○又定祭祀鹿。每日各

餽黑豆二倉升。豆葉五斤。除四月至八月不餽豆葉外。餘按時價採買黑豆向戶部支領。○又奏准。

南苑孳生及

盛京交進小鹿。每日各餽黑豆一倉升。俟一年後照祭祀鹿飼養。

支給馬乾。○乾隆二十五年奏准。

南苑守衛各門領催十名。馬甲九十名。聽差人三十名。每二名給馬一匹。拴養當差。每年自十月起至次年三月。每匹月給馬乾銀一兩五錢。於

存儲羊草銀兩內動支。如有倒斃者令賠補。

道光十八年

諭。嗣後該苑應領馬乾銀兩。著即在稻田廠租銀項下支給。毋庸由羊草項下動用。

奏銷。○歲需羊草銀兩並用過豆石及新收實存數目。均於年終造冊送奉宸苑查覈具題。

湯山職掌。○原定湯山

行宮。每年由該總管查勘一次。如有應行黏補修理之處。即行修理。○又定苑丞苑副分管各殿座輪流直宿筆帖式管理檔案。○乾隆五十四



年奏准湯山船大小共四隻。向由奉宸苑奏請修理。嗣後交湯山苑丞等經營。由本處自行修理。

湯山苑戶。康熙五十二年定湯山苑戶。每名月給銀五錢。米一斛。各項匠役各給地三十畝。月給銀一兩。米一斛。乾隆十二年奏湯山苑戶七十名。每名月支銀五錢。米一斛。銀較各處獨少。嗣後每名各支銀一兩。米照舊支領。至該處地方。雖覺遼闊。但苑戶七十名。不免過多。奉旨。湯山苑戶著裁去三十名。

圓明園職掌。○凡園內一切應奏事件。由協理郎中等呈明本園總管大臣具奏。主事委署主事。專辦奏摺。並一切稿案。苑丞。苑副。分管各處殿座河道輪班直宿。庫掌管理銀庫器皿庫事務。筆帖式。庫守。分管各處檔案。輪流直宿。○乾隆十六年奏准。

圓明園船大小共一百八十四隻。係內監經營。向由奉宸苑奏請修理。嗣後由本園每年按時自行奏請修理。○三十二年奏准。一切咨行部院事件。呈明該管大臣咨送奉宸苑詳查。畫押後。

用印咨行。○五十四年奏准咨行部院事件。皆用內務府堂印。停止咨送奉宸苑查覈用印。

圓明園園戶。○原設本園園戶五百四十八名。內園隸三十八名。圓頭二十名。各作匠役九十六名。園隸月支銀一兩及一兩五錢不等。每季米二石六斗。不給差地。圓頭月支銀一兩五錢。每季米二石。園戶匠役月支銀一兩。每季米一石三斗。各給差地三十畝。凡園隸缺於管領下閒散人內挑補。圓頭缺於園戶內挑補。圓戶缺於旗鼓佐領下閒散人內挑補。匠役缺於旗鼓佐

領下挑補不得其人。於五城召募民人充補。仍附於旗鼓佐領下支領錢糧地畝。○乾隆十六年。

長春園增設園隸二名。園戶三十名。匠役六名。○二十四年。

長春園增設園戶十名。匠役四名。○三十二年。

熙春園增設園戶三十名。○三十九年。

綺春園增設園戶二十名。○四十六年。

蓮花書院增設園戶二十名。○又

熙春園

綺春園

蓮花書院各增設園隸二名。匠役六名。○五十二年。

圓明園增設園頭十名。

長春園增設園頭四名。

春熙院增設園頭一名。均由額設園戶內挑補。○  
又奏准。

圓明園

長春園

春熙院三處園頭園戶並由旗人挑補之匠役各

增錢糧銀五錢。○又奏准撥奉宸苑所屬園頭一名。種花地四十畝。並各處呈進花卉半分。交圓明園承應差務。○嘉慶四年奏准。

綺春園增設匠役十六名。燭軍二十四名。○七年奉

旨以春熙院賞給莊靜固倫公主居住。原設園戶等分撥

圓明園三名。

綺春園十三名。

熙春園十二名。○道光二年奏准。

熙春園原設園戶等四十九名撥往

綺春園當差。○咸豐十年裁

圓明園等園園戶一百六名。燹軍四名。

暢春園職掌。○總管園務大臣總理園內一切事務。凡有應奏事件自行具奏。郎中管理一切事務。六品苑丞協同郎中管理。七品苑丞。八品苑副未入流苑副。分管各處殿座。輪流直宿。筆帖式辦理文移檔案。輪流直宿。○乾隆二十九年定。

暢春園船共三隻。向由奉宸苑奏請修理。嗣後歸

苑丞專管。由本園自行奏請修理。○三十二年  
奏准。一切咨行部院事件。呈明該管大臣咨送  
奉宸苑詳查畫押後用印咨行。○四十年奏准

### 暢春園

西花園西馬廠一帶地方責成郎中專管。

### 聖化寺

泉宗廟等處責成六品苑丞專管。○五十四年奏  
准。嗣後咨行事件。用內務府堂印。停止奉宸苑  
查覈。

暢春園園戶。○原設本園園隸四十六名。園戶二



百一名。匠役八名。服役人四名。水手一名。○乾隆四十二年。裁園戶三十三名。設匠役三十三名。○嘉慶十二年。奏准於額設園隸等二百六十名內裁減六十名。俟其坐補別園額缺。再將原食錢糧裁汰。

三山職掌。○總管園務大臣總理

清漪園 原名頤和園

靜明園

靜宜園三園一切事務。凡有應奏事件。自行具奏。郎中管轄三園事務。員外郎專管一園事務。苑

丞苑副催長分管各處殿座河道輪流直宿。筆帖式分管各處檔案輪流直宿。○乾隆十六年奏准。

清漪園

今名頤和園

船大小共七十一隻。

靜明園船大小共十七隻均係內監經管。向由奉宸苑奏請修理。嗣後交該處每年按時自行奏請修理。○三十二年奏准一切咨行事件呈明該管大臣咨送奉宸苑詳查畫押後用印咨行。○五十一年奏祭祀鹿交

南苑牧養奉

旨。靜宜園著留牡鹿一隻。牝鹿三隻。嗣後所進鹿隻。俱交南苑。○五十四年奏准。咨行事件。用內務府堂印。停止奉宸苑查覈。

頤和園

原名清漪園

原設副催長四名。領催二名。馬甲

六名。

其錢糧由旗領取。

園丁六十名。園隸十二名。園戶

一百五十八名。匠役十名。廟戶三名。廂軍一百

名。

謹案

三山園戶等支領錢糧。與奉宸苑園戶支領錢糧同。

○乾隆二十

四年奉

旨。增設園戶二十八名。○又奉

旨。增設匠役二名。○二十六年奏准。於園丁六十名內

撥給

靜宜園九名。所遺園丁缺。改為園戶。照數挑補。

又奉

旨。增設廟戶四名。○四十二年奏准。撥園戶四名在靜宜園當差。○四十五年奉

旨。撥皇船塢水手六名。藏舟塢水手十二名。承應設船軍十名。○嘉慶七年。設園丁十名。園戶十名。○道光二十年。裁園丁八名。園戶五十二名。匠役二名。○咸豐十年。裁園丁十五名。園戶三十名。園隸二名。廟戶三名。船軍二十五名。○光緒十

七年。增設園丁五十五名。園戶一百二十九名。  
園隸五十八名。燹軍一百名。

靜明園園戶。○原設園隸十名。園戶三十二名。匠  
役十七名。○乾隆五年。增設園隸六名。園戶八  
名。○十八年。增設園丁二十六名。裁園戶四名。  
○二十年。增設園戶二十四名。燹軍十名。○二  
十二年。增設園戶三十名。○二十四年。增設園  
戶十六名。燹軍十六名。○又增設服役人六名。  
○二十六年。增設園戶三名。撥給

靜宜園園丁三名。○三十四年。增設園戶二十名。

燠軍五名。○四十二年撥給

靜宜園園戶二名。○嘉慶四年裁園丁二名。園戶  
六名。○又定增設執事人四名。○五年定增設  
園丁二十五名。燠軍十名。○六年定增設園戶  
三十名。○道光二十三年裁園丁四名。園戶五  
十二名。園隸二名。匠役四名。燠軍四名。○咸豐  
十年裁園丁五名。園戶十六名。園隸六名。匠役  
五名。燠軍六名。

靜宜園園戶。○乾隆九年分設園戶二十名。○十  
年增設園隸十名。園戶二十名。○十二年增設

園隸六名。園戶六十名。匠役二十名。○又奉

旨。裁園戶十名。○十六年。增設園隸四名。園戶四十名。

○二十四年。增設服役人九名。○二十六年。增

設園丁十二名。○三十四年。增設園戶十名。○

四十二年。增設服役人十名。○四十六年。增設

園隸四名。園戶二十名。○又奏改園戶六十名。

服役人三名。共六十三名。作為本園園丁。○四

十八年。增設園隸四名。園戶十名。○嘉慶四年。

裁園丁五名。園戶四名。○道光二十三年。裁園

丁四十二名。園戶三十名。園隸六名。匠役五名。

○咸豐十年。裁園丁五名。園戶十二名。園隸五名。匠役一人。

御船處職掌。○掌

御舟事務大臣。

御船統領。凡恭遇

巡幸乘舟。俱在船上伺候。遞送簾繩。水手催長。網戶

催長。督率水手等。承應行船一切差務。筆帖式

管理檔案。

水手承應。○天津

皇船塢水手十名。



圓明園藏舟塢水手十二名。又水手五十九名。在  
圓明園

頤和園

瀛臺等處。分為兩班輪流承應行船差務。其船由  
各該處自行豫備。每名月給銀一兩五錢。歲給  
米二十四斛。內頭目四名。每名月給銀二兩。附  
於內務府佐領下給領。○乾隆十六年奏准。

清漪園

今名頤和園

御舟及各船。添設水手二十名。○四十五年奏准  
於天津

皇船塢水手十名內撥出六名。藏舟塢水手十二名。全行撥出。均著豫備。

清漪園

今名頤和園

昆明湖喜龍大船差務。○道光六

年

諭。昆明湖戰船二隻。現俱虧朽。著即裁撤。其水手四十八名在京已久。現有二百七十餘名口。若仍遣回原籍。轉致失業。著加恩交內務府酌量安置。於奉宸苑等處水手差使挑補錢糧。以示體恤。○咸豐十年。裁圓明園水手三名。

網戶。○霸州網戶四十六名。江南網戶六名。

舊錄

奉宸苑。

承應捕魚及幫同水手行船差務。每名月給銀一兩。歲給米二十四斛。均附於旗鼓佐領下給領。各給隨差官地六十畝。其江南網戶。每年輪流四名。在京該班。除所領錢糧外。總漕衙門每名月給養贍家口銀三兩。其不該班之網戶二名。除在京應領錢糧外。每名月給養贍家口銀一兩。再於內務府佐領內管領下揀選閒散人二十名。演習行船。每名月支銀二兩。歲支米二十四斛。○乾隆十七年定。江南網戶。均令在京當差。

執事人。○額設六十名。分應各船差務。○乾隆

四十二年奏准。執事人內設頂戴頭目四人。

織染局職掌

該案織染局已於道光二十三年裁撤。今將以前舊例。仍存此門。以

備查。○康熙初年。設局監視匠役。織造緞紗。無

定額。○四十七年奏准。歲造緞紗三十八疋。青

屯絹二百疋。大紅長毛氈毯四十疋。交廣儲司

緞庫。○雍正七年奏准。改織暗花屯絹甯細宮

紬八絲緞袍褂各料。均按三節進呈。其每年額

交緞庫緞紗屯絹氈毯。概行停止。○乾隆十六

年議准。按節進呈之袍褂料。並無新樣。嗣後停

止毋庸織造。○十七年奏准嗣後行文各織造處挑選上好絲經送局。令匠役等於傳辦差務之暇。另造精巧新樣紬緞。隨時織辦進呈。

匠役。○康熙初年。額設各項匠役共八百二十五名。○二十五年。裁一百五十一名。○四十七年。裁二百名。○五十九年。裁一百二十八名。○雍正四年。裁十五名。○十三年。裁一百四十一名。○乾隆五年。裁毯氈匠十四名。屯絹匠十四名。○十六年奏准裁匠役五十二名。其繡匠四十名。改歸廣儲司衣庫。○又奏准於江甯蘇州。

杭州三處織造。每處令其揀選挑花匠二名。織匠六名。送局。以備織辦。

欽派活計。其匠役等分為兩班。令其在京輪流當差。半年一次更換。○十七年。遵

旨製造絡絲紡車一座於南織匠內減去二名。各換紡車匠二名。送局應役。照例在京輪流當差。其南匠各月給銀三兩。米二斛。本局召募民匠內。織匠二十二名。絡絲匠二十二名。絡經匠六名。挑花匠四名。揀繡匠二名。染匠五名。畫匠一名。帶匠四名。均給印信照票。每名各給官房一間。內

月給銀二兩五錢者六名。二兩者十七名。一兩五錢者四十七名。每名按季關支未二十一斛。均呈堂咨戶部給領。○又奏准蠶戶十三人移往

清漪園

今名頤和園

歸併織染局。

道光二十三年

每名每年

給食銀十二兩。米二十四斛。夏季藍布單袍褂各一件。冬季藍布棉袍褂襖褲各一件。五年一次。冬給狐皮帽領布面羊皮裘一件。○十八年奏准耕織圖養蠶處所得絲斤稍為粗肥。除本局挑選備織官用屯絹外。餘交營造司為幔帳。

帶條之用。

錠戶。○西頂藍錠廠四十名。大通橋十名。邠縣

三十名。沙窩場二十名。每名各給官地四畝。六

為一歲共徵乾錠三千五百斤。水錠六千五百

斤。○雍正十年。官用西頂錠戶地七畝七分。減

納水錠三十五斤。○又奏准。歲徵水錠六千四

百六十五斤。每斤改徵銀二分三釐。交納廣儲

司銀庫。各處錠戶。本局召募民人頂補。各給印

信照票一張。如有革退事故。將官地並印票撤

回。另行召募頂補。○乾隆十六年議准。歲徵乾



錠三千五百斤。每斤折徵銀四分六釐。並水錠  
歲共徵銀三百九兩六錢九分五釐。交納廣儲  
司銀庫。本局需錠向廣儲司領銀。按市價自行  
辦買應用。

修理機張。○原定三十二架。新拴之機所用引  
機茜絲。上嵌中渠下墜綫。並新挑造花本綫。二  
年黏補一次。黏補後一年黏補一次。本局官員  
監看修理。將所用絲綫等項。年終入冊銷算。○  
乾隆十六年。改機張為十六架。

支領官物。○織造緞疋應用絲斤。量一年足用。

並泛湛鐵梭剪鑷等項。開明數目。呈明咨行戶部。轉行浙江巡撫辦理。○染絲應用顏料。及茜草紅花烏梅槐子黃蠟白蠟等項。咨戶部領用。木柴咨工部領用。○乾隆九年奏准。紅花改向廣儲司領用。其應買辦之物。本局呈明咨行戶部領銀。按時價辦買。○十八年奏准。織造紬緞。應用八絲經五絲經斤數若干。行廣儲司轉飭江甯蘇州杭州各織造處辦進。○三十五年奏准。本局例行戶部工部領取之物者。改向廣儲司營造司領用。

查數絲斤。○每年出入錢糧於次年十二月造冊移送戶部查數奏銷。原稿送江南道監察御史覈對。並將所辦題奏呈咨事件。每月二次造冊移送稽察內務府御史查覈。○乾隆二十六年奏准本局節年織辦領用絲斤顏料各項。並現存庫儲等件數目。自本年為始。與廣儲司六庫每屆五年。一律盤查一次。以為定例。

綺華館。○光緒十七年。在

西苑門內設立綺華館。製造紬絹。派杭州織造購辦。搨紡。煉染五成上好之各經緯絲共一千斤。

召募精通縲絲煉染紡織各匠。並養蠶婦。以及  
購買織紬縐各項機張器具。一併召募製辦。



欽定大清會典事例卷一千一百九十六

內務府

屯糧

糧莊賦額

糧莊賦額。一等莊一百五十四所。二等莊四十四所。三等莊四十七所。四等莊一百六十六所。半分莊二百二十八所。不分等第莊一百三十二所。納糧納租納銀及棉花靛鹽等莊二百三十一所。稻田莊三所。豆糧莊五所。豆糧分園莊二所。菜園三十五所。以上承種官地坐落順天永平天津保定宣化府所屬各州縣及喜峯

口古北口外

盛京等處稻田莊。共水田二十五頃十五畝旱地二頃八十八畝。坐落涿州房山玉田等州縣。豆糧七莊。坐落武清縣。○順治初年定。各莊頭缺均於其子弟內選充。如無子弟及欠糧革退者。於各壯丁內選充。○康熙八年題准。將各莊編為一二三四等。每十年編一次。○九年奏准。於附近莊頭內選四人。於

南苑安設四莊。每莊給地十八頃。有缺令其子孫承充。○又議准。莊頭領地不准繳回。令其永遠

耕種。○十二年奏准。

南苑增置莊一所。○又奏准。凡撥置他處壯丁。仍歸原莊冊內編審。○又奏准。房山縣設稻田莊一所。計水田二頃八十四畝。每畝歲徵稻米三斗六升。玉田縣設稻田莊一所。計水田六頃六十畝。每畝歲徵稻米二斗四升。旱地一頃二十畝。每畝歲徵糧四斗六升二合。○又奏准。關內一二等莊。歲輸大豬二。或常用豬四。三四等莊。輸常用豬三。○又奏准。安設瓜園菜園。除額給地外。並與養家口地一百二十畝。牛四頭。蒲簾一



百二十五。秫稽三千五百束。均免差一年。○十

五年奏准。投充豆糧莊地。照銀莊例。每畝徵銀

五分。應納豆一斤斗。每三斗合九升。每六斗合十八升。抵銀二錢。合

計地一畝。抵銀三分外。餘銀二分。折草一束。共

納豆三千二百二十五石有奇。草八萬一千九

百四十六束有奇。○又奏准。豆稽莊七十二所。

納糧額數。減糧莊之半。納廢豆稽。酌量勻攤。每

豆稽十六束。束重七斤。抵糧一斗八升。外納秫稽一

百二十束。束重十五斤。○又奏准。凡

御馬。日給豆二升五合九勺。草十六七斤不等。駕

馬。日給豆二升五合八勺。草十一斤。每年自九月十五日入莊。至次年四月初一日出青。合養馬日期。按莊頭等次分撥。其豆准於額糧內扣除。養息牧驢馬二羣。每年冬季。每羣額給豆三百六十石。騾馬六羣。額給豆三百二十四石。每豆一石。抵糧一石。牧馬人役。每羣歲給糧二十一石六斗。三旗應差馬一百五十匹。每馬日給豆五倉升四合。每年額給一百八十日。出差倒斃。按日扣除。均於莊頭糧額內撥給。大凌河驢馬十羣。每年冬季。每羣額給豆九百十四石四

斗。穀草三萬束。羊草七萬四千束。騾馬三十羣。  
額給豆四百五十二石六斗。穀草一萬八千束。  
羊草六萬束。○十八年奉

旨。應交各廐黑豆。著將黑豆倉米各交一半。○二十一年議准。

盛京糧莊所納糧米。給予三旗人丁口糧外。餘於該莊作窖收儲。○又奏准。涿州設稻田莊一所。計水田七頃八十畝。旱地一頃六十八畝。其徵輸額數。與玉田縣同科。○二十三年奏准。山海關外莊頭。每十年委會計司官前往。編定等次。

○又奏准。

暢春園內餘地及西廠二處種稻田一項六畝。令附近之莊頭壯丁每年輪種。給予石景山等處地十一項三十四畝四分。以為耕種稻田之資。○三十年奏准。各莊頭收存之糧。覈明實數。或十莊。或五莊。收聚一處。擇殷實之莊。作窖收儲。○三十四年奏准。歸化城添設糧莊十三所。於各莊頭子弟及殷實壯丁內。選充莊頭。各給地十八頃。每莊歲徵米二百石。由歸化城都統徵收。存本處旗倉。○四十五年奏准。打牲烏拉地

方於蜜戶內揀選五人安設糧莊五所。每莊定壯丁十四名。給以牛具。令其開墾。歲納糧八百四十斤石八斗。每斤石合倉石三石六斗令該處總管徵收。儲倉備用。其出入數目。仍令報府。○五十年奏准。各莊交倉額糧。送廢草豆。每年委司官一人。催長二人監視交送。如有不收本色勒索遲延者。准其呈堂查叅。若徇庇不舉。監視官一併議處。○五十一年奏准。一等莊歲納糧二百五十石。二等莊二百二十石。三等莊一百九十石。四等莊二百二十石。均每石折米五斗。半分莊歲

納糧六十石。穀草千束。秫稻一百四十束。○又  
奏准。

盛京一等糧莊歲納糧三百二十二石。二等莊二  
百九十二石。三等莊二百六十二石。四等莊一  
百九十二石。○又奏准。山海關外糧莊分四等  
納糧與

盛京同科。每莊不論等次。各納雜糧二十九石一  
斗六升。於額糧內抵除。○又奏准。豐臺安設菜  
園十一所。除給地外。並與鑿井六口。牛四頭。房  
三間。○五十五年奏准。

盛京莊頭。每十年委會計司官前往編定等次。

又議准。

盛京莊頭缺。由該佐領

今由盛京內務府總管大臣

報府。山海

關外莊頭缺。由該副都統報府。照例充補。

○五十七年奏准。各州縣莊頭子弟內揀選十五人。

於駐馬口外彌陀山等處安設糧莊十五所。各

給荒地十八頃。令其墾種。於壯丁內選取家道

殷實者承充莊頭。○六十年議准。涿州入官稻

田三頃。令附近莊頭承種。○雍正元年奏准。山

海關外莊頭等次。改令錦州副都統編審造冊。

送府。停止司官前往。○又奏准。關內莊頭交納之豬足用。關外莊頭免其納豬。○又奏准。減御馬一羣。駕馬五羣。並減

御馬草。照駕馬例日給十一斤。共減草六十六萬一千一百四十二束。令莊頭等減半交納。額定三十三萬五百七十一束。分送各廩。每年自九月十五日起。至次年三月三十日止。合計日期。將所需草豆。並節省交廢草豆數目。通算於莊頭內。酌量遠近。按等次分撥。其居處寫遠。難以養馬者。全交草豆。餘按分定日期牧養。○又奏



准。口內糧莊納糧。每石折銀五錢。分東西二路  
委官二人徵收。○二年題准。口外莊頭。交倉所  
餘之糧。每粗糧二石。折米一石。令運至熱河等  
處存倉。每運米十石。抵除陳糧一石。每年委府  
屬官一人徵收。○三年奏准。山海關外一等莊  
給地五十四頃。二等五十一頃。三等四十五頃。  
四等三十九頃。如有不足額者。將各莊餘地補  
給其餘地畝。令地方官招民耕種。輸租戶部。○  
又奏准。

盛京及關外各莊。不論等次。歲輸鷹一。○又奏准。

辨造祭

神糕養應用紅黏穀。令各莊豫進數升呈樣。會計司官會同內管領司俎官等驗看。將佳者選出二十莊。每莊令納二十九石五斗二升。再

皇子分封後一年內府第祭

神應用紅黏穀。別選二莊。所納之數同。以上均於額徵雜糧抵除。至應用白黏穀。亦豫進數升。呈司俎官驗定佳者。選出六莊。各納穀三斗六升。每年八月祭

神。令朝陽門外及房山縣莊頭各一人。各交蘇子二斗。

白小豆二升。紅黏穀三斗六升。又

奉先殿薦新及

內庭進鮮。應用大黃米。粟米。糜米。梁米。大麥米。均  
令朝陽門外莊頭八人交進。○又奏准。關內莊  
不論等次。各歲納秫稻二百二十三束。○又奏  
准。關內莊頭交倉所餘之糧。委官折銀。催交廣  
儲司。口外莊頭米糧。運交熱河倉。○六年奏准  
駐馬口外彌陀山等處十五莊。每莊歲納米二  
百倉石。由右衛將軍徵收。存該處旗倉。○又議  
准。豆糧六莊。計地一百十六頃六十四畝者。歲

納豆五百二十二石三斗六升。地八十七頃三十二畝。及八十七頃三十一畝者。均納豆三百八十六石九斗六升四合。地七十三頃七十三畝者。納豆三百二十八石九斗三升二合。地六十四頃六十六畝者。納豆三百九石五斗六升四合。地六十四頃三十三畝者。納豆二百九十石二斗三升二合。均以倉斗計算。○又奏准。餵養駕馬小馬駝驢羸。停給倉米。照倉米數目折給黑豆。其

御馬內馬仗馬皆肥馬。減去倉米一半。亦按減去

數目折給黑豆。○又奏准。

盛京累年所徵額糧存儲二萬石備用外。餘交地方官減價平糶。將銀存庫。其銀糧數目。報府察覈。○又奏准。將豆稽七十二莊。均改為半莊。合計現在半莊共半莊一百七十一。○又議准。向來各莊。但有居住邨名。地畝數目。未載四至。令內務府司官會同戶部及地方官。逐一丈量。各造四至清冊三本。分存內務府戶部直隸總督衙門。以備察覈。○七年議准。丈量口外莊頭等原額地畝。並自墾地畝。甚屬過多。且不畫一。將

現在莊頭各給地三十九頃。所餘之地。其二十九十頃五十二畝。按每莊三十九頃之數。於莊頭子弟及誠實壯丁內。選五十三人。增設莊五十三所。○又議准。官三倉所用雜糧。停其交納。關內一二等糧莊。每莊納銀六十八兩八錢。三四等莊。納銀六十兩二錢。口外糧莊。每莊納銀四十一兩二錢八分。各令徵收官徵交廣儲司庫。○又奏准。關內每莊額徵秫楷二百二十三束。各折銀六兩八錢八分。○又奏准。將房山縣入官稻田七頃九十五畝。增設莊一所。每畝額

徵稻米二斗四升。○又奏准。關內三百二十二  
莊內。定為一等五十七莊。二等十六莊。三等三  
十八莊。四等二百一十一莊。口外一百三十八莊。  
均定為一等。○八年奏准。山海關外應徵粗糧。  
每石折銀二錢。令該副都統徵收。交廣儲司庫。  
○十年議准。口外粗糧。交熱河總管。令直年官。  
分二次徵收。粗糧折米儲倉。雜糧折銀交廣儲  
司庫。○又奏准。菜園附近無畦地可給者。以旱  
地五畝抵畦地一畝。合計給旱地九頃。○十二  
年議准。各廢園每黑豆一石四斗四升。倉米二

石一斗六升。均隨煤四十五斤。炭四斤八兩。將  
半分莊頭額納秫稻。以煤七斤八兩。炭十二兩  
抵秫稻一束。令各莊均勻輸納。○又議准。上駟  
院慶豐司各殿園所用羊草。令各該處將需用  
數目咨

南苑領取。○十三年議准。

聖駕巡幸。沿途莊頭交納尚膳房雞子。每箇作銀一  
分。於折色銀內抵除。其慶豐司隨往乳牛。上駟  
院駕車羸。沿途交納草豆。於額糧內抵除。關內  
糧莊。不論等次。每莊歲輸廣儲司紅花八兩。內



管領埽帚二十。筓帚三十。瓢十九。芥子一斗。蓼  
芽菜子一斤。其鷹鷄房所用瓢翎。花爆作所用  
麻稽。造佛處所用麥麩。廣儲司所用麥稽。均准  
各該處來文。分交各莊。輪流輸納。營造司等處  
所用稻草。亦准來文。令稻田莊交納。關外莊不  
論等次。每莊歲輸茜草五十斤。綫麻十八斤。小  
根菜。萹蒿菜各十六斤。黃花菜十斤。○又奏准  
南苑牧養之騾馬一千六百餘匹。並送大凌河分  
撥各羣。每羣冬季增給豆五十石。穀草三十八  
十束。羊草一萬一千五百二十束。豆於額糧內

撥給草交各莊交納。不准抵糧。上駟院馬廄十七。羸廄一。每廄日給銚油一斤。慶豐司所屬內三牛園。每園歲給油一百二十斤。

南苑三牛園。每園歲給油六十斤。乳漣牛園。歲給油五十斤。均按關內莊等次。分令交納。○乾隆元年奉

旨。盛京編審莊頭等次。著內務府司官會該管官辦理。○二年奏准。歸化城十三莊。墾地二千六百餘頃。每莊各給六十頃外。尚餘地一千九百餘頃。交地方官募民耕種。輸租戶部。○三年奏准。

盛京莊頭窖儲米糧。定為三萬石。每年除支給內管領下人丁口糧外。將用贖新糧易出陳糧。照時價出糶銀交

盛京戶部。○四年奏准。關外各莊。歲輸蒿草。每斤折銀七分。令該副都統徵交廣儲司庫。○又奏准。關內各莊。改折秫稻銀。由會計司徵收。交廣儲司庫。○又奏准。菜園瓜園地。亦照莊田丈量。四至造冊存案。○又奏准。於莊頭子弟及家道殷實壯丁內。分東西南北四路。每路各選十人註冊。遇莊頭缺。其子弟情願承充者。准其承充。

外。至欠糧革退者。其子弟親丁及異姓壯丁內。有情願代完者。皆准其頂補。如無情願承充及代完頂補之人。即於所選註冊人內。按路掣籤充補。○五年奏准。各莊每年減納豬一口。舊欠者按價折銀。交廣儲司庫。○六年議准。於

盛京窖儲糧三萬石內。撥出一萬石。儲奉天府倉。

每年將交到辛者庫人

即內管領下  
食月未人

等新糧易

陳糧支給。○又奏准。恭遇

聖駕巡幸。用過各莊穀草。每束作銀一分一釐。於折色銀內抵除。○八年奏准。自康熙二十三年編

審等第以來。凡地畝寬裕者。皆已陸續升等加  
差。若仍照例編等。必至有名無實。應停止十年  
編等之例。○十年奏准。

國初以來。附京耕種地畝。自二三十頃至四五十  
頃不等。嗣後此等地畝。如莊頭係子孫弟兄。及  
族人承種者。未必議減外。其欠糧或緣罪革退  
及絕戶以異姓承種者。均以十八頃為一分。九  
頃為半分。餘地足十八頃九頃者。增設大莊半  
莊奇零不足數者。交地方官召民耕種。輸租戶  
部。○十一年奏准。專設

暢春園西廠莊頭。除舊給石景山地十一頃三十  
四畝四分外。將附近州縣入官地。增給六頃六  
十五畝六分。以足十八頃之數。○十三年議准。  
瀛臺麥田。每年委附近莊頭一人辦理。○十七年  
奏准。將營造司所屬開平居住交納缸盆莊頭  
一名。並原給官種九頃有奇。改隸會計司。作為  
半分莊頭。○二十四年覆准。

盛京莊頭。應交豆草及旗倉米石。嗣後改徵折色。  
米豆每石折銀四錢。草每束折銀三釐。如數按  
限徵收。交納。

盛京戶部。○又議准。錦州莊頭。應交旗倉米石。照  
餘贖糧石例。每石折銀四錢。交納廣儲司庫。○  
又議准。錦州副都統掌管官莊關防。以駐防協  
領佐之。○二十五年議准。附近州縣入官地一  
千五百九十九頃三十八畝。增設大莊二十三  
所。每莊給地自二十頃至二十七頃不等。半莊  
七十三所。每半莊給地自十頃至十三頃不等。  
均於莊頭子弟及壯丁內選補。納糧各有差。○  
三十二年議准。錦州丈出莊頭餘地二萬餘畝。  
及

盛京內務府丈出莊頭餘地九千四百九十餘晌。均照旗民餘地例。每晌納銀三錢六分。由各該管衙門按限徵收解交。

盛京戶部。○三十四年奏准。關內各莊應交豆草秣稽燈油。嗣後改徵折色。黑豆每石折銀一兩二錢。穀草秣稽燈油。照各廢園採買實價銀數折徵。均納廣儲司庫。其廢園應用豆石。向戶部支領。秣稽油草。自行向庫領銀採買。○三十九年奏准。莊頭欠糧革退。如有情願代完者。照例頂補外。其無人承充之地畝。改歸戶部辦理。○



四十二年奏准。關內一二等莊。歲輸豬三口。三四等莊。歲輸豬二口。均按口折色交銀十三兩。令直年司員如數按限催徵。交納廣儲司庫。○又定。莊頭等應交紅黏穀。嗣後改徵折色。按照官三倉隨時採買價值。如數徵還廣儲司庫。○五十二年奏准。掌關防內管領所轄旱地圍頭三十五名。畦地圍頭二十四名。每名歲交銀一百六十二兩。計應徵銀九千五百五十八兩。改隸會計司。按限徵收。交納廣儲司庫。○五十六年奏准。錦州大出餘地。增設二等莊三十八所。

每莊給地五十一頃。三等莊二十八所。每莊給地四十五頃。均於各莊頭子弟及誠實壯丁內選充。其分等納糧與

盛京同科外。餵養馬匹。按口外莊頭例。均勻派撥牧養。○嘉慶六年奏准。莊頭等應交各項折色銀兩。每年於麥收交納三成。限以六月為期。秋收交納七成。限以十月為期。如逾限拖欠。即行革退。按例加倍治罪。○又奏。莊頭等緣罪革退。其原領地畝。俱經退交地方官招民耕種。輸租戶部。所有拖欠錢糧。無可著追奉。

旨。已革莊頭無著銀五萬三千一百餘兩。著全行豁免。  
○十四年題准。歸化城十三莊。應交本色米二千六百十六石八斗七合八勺。內除地畝薄。釀豁免外。每年應交米一千五百五十三石一斗二升四合。由綏遠城理事同知徵收。以充兵餉。  
○又題准。駐馬口九莊。應交米石折色銀二千七百兩內。除地畝沙淤豁免外。每年應交銀二千二百四十五兩五錢九分。由朔平府同知徵收。存廳庫充餉。  
○又題准。菜園頭五十九名內。將原園地退交地方官。開除園頭二十四名。其

餘園頭三十五名。每名歲交銀一百六十二兩。共應交銀五千六百七十兩。○十七年題准。關內一等莊頭六十三名。每名地三十六頃。應交糧二百五十石。及雜糧豬口。共折交銀一百七十七兩九錢四分三釐。豆草折交銀一百七十七兩四錢九分五釐。二等莊頭十名。每名地三十二頃。應交糧二百五十石。及雜糧豬口。共折交銀一百六十三兩六錢二分一釐。豆草折交銀一百六十一兩八錢三分二釐。三等莊頭二百十五名。每名地二十八頃。應交糧一百九十

石。及雜糧豬口。共折交銀一百二十四兩五錢  
八分。豆草折交銀一百三十一兩九錢九分四  
釐。四等莊頭二百十五名。每名地十八頃。應交  
糧一百二十石。及雜糧豬口。共折交銀一百八  
兩五錢五分四釐。豆草折交銀九十五兩六錢  
三分六釐。半分莊頭二百十九名。每名地九頃。  
應交糧六十石。及雜糧共折交銀三十七兩五  
錢七分七釐。豆草折交銀四十兩一錢九分七  
釐。協濟小差銀六兩五錢。一等至四等莊。每名  
應交協濟差銀十六兩七錢。○又定錦州一等

莊頭六十六名。每名地五十四頃。應交餘贖穀銀五十八兩五錢六分八釐。旗倉米銀九兩五錢五分八釐。二等莊頭四十四名。每名地五十一頃。應交餘贖穀銀五十二兩五錢六分八釐。旗倉米銀九兩二分七釐。三等莊頭三十八名。每名地四十五頃。應交餘贖穀銀四十六兩五錢六分八釐。旗倉米銀七兩九錢六分五釐。四等莊頭一百十五名。每名地三十九頃。應交餘贖穀銀三十二兩五錢六分八釐。旗倉米銀六兩九錢三釐。外一二三四等莊每名應交蘇子

紅黏穀銀四十一兩二錢八分。減餽官馬草束銀十二兩六錢五分四釐。茜草銀三兩五錢。小根菜十瓣。黃花菜十斤。萹蒿菜十斤。綫麻十八斤。納糧納租莊頭三十四名。每名地九頃。納糧莊頭每名應交糧穀銀十二兩八錢。地米銀一兩一錢六分五釐。納租莊頭每名應交租穀銀十四兩。納銀莊頭四名。每名地五十頃。及三十餘頃不等。內二名各應交差銀二百二十八兩八錢二分。一名應交差銀二百一兩九錢。一名應交差銀一百四十兩。○又定古北口喜峯口

外莊頭一百三十四名。計成交差。每名應交額糧自二百五十石至七十五石不等。內雜糧折交銀四千四百四十五兩八錢五分六釐。抵除額糧外。每糧二石折米一石。共應徵米一萬一千六百七十八石九斗八升八合。○又定。

盛京糧莊一等莊頭三十四名。二等莊頭五名。三等莊頭五名。四等莊頭三十二名。共應徵銀一千二百四十五兩六錢五分三釐。糧二萬二千四百二十七石。棉花莊頭四十五名。共交本色棉花一萬二千斤。折色棉花銀八百六兩二錢。



散莊頭十一名。共交本色穀一千九百五十斤。  
折色穀銀二百兩九錢四分六釐。鹽莊頭三名。  
共交本色鹽一萬二千斤。折色鹽銀六十六兩  
五錢八分九釐。

欽定大清會典事例卷一千一百九十七

內務府

屯莊

三旗銀兩莊頭賦額 果園賦額 糧  
莊徵輸考成 種莊勘災

三旗銀兩莊頭賦額。莊頭一百三十二名。投

充人八十二名。蜜戶三十六名。葦戶七名。共地

三千一百九十八頃有奇。均坐落順天保定河

間永平天津正定宣化等州縣銀莊內有上地

二十八頃之莊頭一名。納銀七百兩。上地二十

一項之莊頭一名。納銀四百兩。下地二十七頃

之莊頭一名。納銀三百兩。畦地二頃三十八畝

之莊頭一名。納銀二百五十兩。地十八頃之莊頭二十九名。各納銀二百兩。地九頃之莊頭二名。各納銀一百兩。又地七八頃不等之莊頭九十七名。共地一千二頃二十畝九分。各按畝納銀一錢一分有奇。帶地投充人。各帶地畝多寡不一。計地三千三百頃九十八畝六分。繩地人。每人地四十二畝。計地三百五十二頃四十五畝。均每畝徵銀三分。草一束。蜜戶。各帶地二頃至十三頃不等。計地二百八十九頃六十三畝五分。每地六畝。徵蜜五斤。交納官三倉。葦戶。各

帶地四十畝。至三頃五十畝不等。計地一百四十九頃八十二畝一分。按地肥瘠。每畝徵銀一分至五分八分不等。除每年額徵蘆葦四萬三千七百五十二斤。每斤折抵銀三釐五毫八絲九忽外。額徵銀五十二兩三分五釐五毫七絲二忽。交廣儲司庫。棉靛戶六十二丁。每丁地五十六畝。共地三十四頃七十二畝。棉戶每丁各徵棉花五十斤。靛戶每丁徵水靛百斤。交廣儲司應用。○順治初年。近京百姓帶地來投。願充納銀莊頭者。各按其地畝設莊。為納銀莊頭。後

有願領入官地畝設莊納銀者亦為納銀莊頭  
帶地來充者為投充人單身投充願領地納銀  
者每給一繩地四十二畝為繩地人納蜜納葦  
納棉納靛者為蜜戶葦戶棉靛戶○雍正四年  
奏准緣罪革退投充人等其地原係本身帶來  
者止革退本身仍令其子孫承種交納錢糧革  
退銀兩莊頭其地委官查勘上地著莊頭投充  
人等子弟及壯丁內家道殷實者承種下地亦  
按地畝肥瘠議定租額著投充人等子弟及壯  
丁內承種交納租銀如有薄鹼沙壓不堪耕種

者。交與附近莊頭投充人等收管。俟可種之時。令其呈報。按每畝徵銀三分。草一束之例。交納。此內或有可種之地。未行呈報者。於三年編審時。令該比丁官查勘確實。令其承種。亦照例交納。如有

賞用分撥之處。即照此項地畝撥給。○六年議准。蜜戶所交蜜。除官三倉呈明足用外。其餘每畝折銀五分。徵交廣儲司庫。○乾隆四年奏准。凡投充人等所帶地畝內。如有薄鰾沙壓者。令其呈報。委官會同地方官確勘。准其退出。暫交地方

官招民耕種徵租其附近處有可補之地照數補給。如無可補之地即照莊頭例。按其現有地畝交差。○又奏准革退莊頭以別姓頂補者。不代完舊欠。若其子弟頂補須代完舊欠方准頂補。○五年議准棉靛戶之地畝醵薄不堪種棉種靛。准照投充人之例。按地每畝徵銀三分。草一束所徵銀交廣儲司庫。草交會計司。分撥各廠每年應交官三倉。白柳條八千四百八十七斤。每斤折銀二分八釐。青柳條八千四百八十四斤。每斤折銀二分三釐。綫麻一千二百斤。每

斤折銀五分。蘇麻二萬二千四百五十八斤。每斤折銀二分。細繩三千二百九十斤。每斤折銀三分。麤繩三百二十八條。每條折銀二錢。大雞毛帚一千四十七把。每把折銀一錢二分。小雞毛帚六千三百把。每把折銀四分。以上共折銀一千四百八十三兩有奇。令各該處催長於所徵銀內採買交倉。歲終奏銷。○又議准革退莊頭及投充人之缺。若該莊頭親族人內有願代完舊欠者。准其更名頂替。該莊頭免其治罪。若別姓糧莊子弟頂補。該莊頭及投充人仍鞭一



百。撥給糧莊。充為壯丁。○又議准。安設莊頭。投  
充人。及更名頂替人等。令該族人。及領催公同  
保結。如不秉公保舉。有互相控告者。不拘莊頭  
投充人。即將地畝撤出。交地方官招佃承種。仍  
將起釐之人。發充壯丁。○二十五年。議准。嗣後  
退交地方官招民耕種地畝。應徵租銀。徑由直  
隸藩司轉解戶部。歸入解部租銀內一體奏銷。  
○又定。招民耕種地畝。如遇安放莊頭。仍行取  
回撥補缺額。○三十年。奏准。莊頭等應交穀草。  
改徵折色。每年按照各廠圍隨時採買實價數。

目。徵納廣儲司庫。○三十五年奏准。嗣後招民耕種地畝。停止取回。○又議准。薄鰥沙壓。及水佔成河地畝。令地方官結報。由府轉咨戶部註冊。○又定。革退莊頭之地畝錢糧。如本族親人及別姓莊頭子弟。內情願代完舊欠者。仍照例准其頂補。其餘懸缺地畝。一併歸入戶部餘絕地畝項下辦理。○咸豐元年議准。申明奪佃增租例禁。請飭直隸總督順天府府尹。將各屬新編莊頭。詳查坐落州縣。及舊係某莊頭退交之每畝原租。並現在官租實數。一併分析開造咨

報戶部內務府。以憑查覈。其新莊頭已領一錢  
以上之地者。租項永遠照數徵收。與舊莊頭數  
目相等。以免日後莊佃抗租之弊。其一錢以下  
之地業已報明戶部者。亦即令新莊頭照現徵  
租數收取。內務府計畝收租。新舊佃戶。俱毋得  
藉詞妄希輕減。至尚未議租報明戶部者。現已  
令該督暨府尹飭屬一律詳查。退交原租。並現  
徵租數。覈實定議。不得擅行輕減。亦不得任意  
取盈。迅即造報。以便莊頭照議收租交產。嗣後  
遇有莊頭誤差被革。遵照內務府奏定章程。退

交地方官。令該州縣按革退莊頭原租徵收。待內務府派員牌取。以昭覈實。而重差項。如仍有佃戶抗欠。莊頭勒增。以及書吏向串等弊。或控告到部。被內務府查出。一經審實。即照定例分別治罪。

果園賦額。

國初定。廣甯果園壯丁無定額。每年每丁徵銀三兩。○順治初年定。順天。保定。河間。永平等府所屬州縣。設三旗果園一百三十六所。共舊丁七百有五名。給養贍家口地二百七十一頃二十

畝有奇。每丁歲徵銀三兩。

盛京舊園丁三百五十一名。廣甯舊園丁一百十七名。每丁歲徵銀三兩。共舊丁一千一百七十三名。歲徵銀三千五百十九兩。又京外附近攜地來投新園一百二十一所。共地八百七十頃四十七畝有奇。每畝徵銀三分。又草二束。折徵銀二分。歲徵銀四千三百七十三兩有奇。○康

熙十二年奏准

南苑內設果園五所。各給地一項十九畝外。各給養贍家口地二項十畝。每年交納各種桃李。不

徵收地畝錢糧。○十六年奏准果房設掌果二人。司果執事十二人。專司徵收各色果品。以備各處供獻及

內庭清茶房之用。○二十二年奏准園頭等歲交果品。各按其應交數目。覈定價值。於地丁錢糧內抵除。領催各免納錢糧六兩。○三十九年奏准恭進

皇太后

皇帝

皇后所用果品。據清茶房所傳交進。各

宮及諸

皇子公主日用果品。各按定例隨時交送。○又奏  
准徵收果園舊丁錢糧。每園不得過六丁。餘丁  
照會計司都虞司例。止載名於冊。不徵丁餘。○  
四十五年奏准順天保定河間永平等處果園  
所產果品。按園內樹木園丁計派。擇其好者全  
數進送。

盛京及廣甯果園所產榛子山楂等物。俱按派定  
各數徵收。准照例價抵銷錢糧。榛子每三十六斤為一斤斗。

盛京價銀五錢。廣甯四錢。鮮山楂每斤三分。蜜  
錢花紅山楂每斤斗各一錢。香水梨每箇一分。

又每年果園共應交野雞三千隻。每隻准作銀五分。抵銷錢糧。每二年委官至

各處果園。比壯丁。選女子。其舊丁內有餘丁。應編入冊者。即令充補壯丁。增納錢糧。將老幼舊丁開除。其近京各處帶地投充之新丁內。有餘丁。應入冊者。亦入冊。不納錢糧。○又定順天等處三旗果園。每年除掌儀司委官二員。筆帖式二人。直年辦理果品登記簿籍外。增設委署掌果二人。於三旗舊園頭內各設領催三人。

盛京果園增設筆帖式二人。催總一人。領催三人。副領催六人。廣甯果園設催總一人。領催三人。



順天等處及廣甯所設領催俱由園丁內選補。盛京所設領催由馬甲內選補。副領催由園丁內選補。催總由領催內拔補。各免其本身應納錢糧。承催各該處錢糧果品。○五十年奉

旨。菜園頭果園頭子孫皆准其考試。○五十九年定公  
主下嫁蒙古王公。每年應送給蘋果柿子各二百。梨三百。栗子黑棗各一斤斗。停止委官往送。即交公主家人帶去。○雍正二年奏。新舊各園頭等子孫繁衍。將入官地畝增設園頭二十六名。各給地五頃。計地一百三十頃。每歲按畝徵

銀一錢。歲徵銀一千三百兩。○四年奉

旨。水旱事屬稀有。莊頭等如遇水旱。皆准其豁免錢糧。菜園果園不准豁免。似屬不均。今將此項錢糧寬免。嗣後儻遇水旱之年。作何豁免之處。定議具奏。○七

年奉准。新園頭二十六名。每名分交甜桃二十

筐。抵銷錢糧。舊例每筐二十錢。價銀三錢。照舊例於三旗新

舊園頭內每旗各選三人。作為壯丁承催。免其

本身應納丁糧。○八年定。新園頭二十六名。分

交核桃五石。抵銷錢糧。舊例每斤十錢。價銀六錢。○九年奉

准。每年應徵錢糧數目。編為十分。其欠一分至

十分者。官員領催處分有差。三年至六年全完者。官員紀錄加級。亦有差。均與糧莊例同。○十年奏准。三旗果園頭典賣與旗民人等之官地官房。皆撤回。嗣後禁止私行典賣。○乾隆二年奏准。園頭等交納果品。除

盛京廣甯所出榛子。山楂。花紅。香水梨。並

京師所進

奉先殿薦新各色果品及桃李等項。仍令交納抵銀外。餘照例徵收地丁銀。交廣儲司庫。直年官於廣儲司領銀辦買。以備

內庭應用。○十年奏准。園頭等被災地畝。覈計應免錢糧。即於本年應徵上年地丁銀內開除。○十一年奏准。園頭等偶被偏災。即將項畝數目。一面呈府存案。一面報地方官。該地方官即詳請附近大員。委鄰境州縣及時監同履畝查勘。按其分數詳報該督。該督取具印結咨府。查對與原報相符。其應免差務。與應給口糧。即行照例辦理。有涉虛者罪之。如地方官隱諱徇私。附近大員揭報該督參劾。○十三年定。

盛京果園增新丁八十四名。每丁徵銀三錢六分。

廣甯果園增新丁三名。每名徵銀四錢二分。歲徵銀三十一兩有奇。○六十年奏准。應交錢糧內。拖欠六成以上者。即於本內將果園頭題革治罪。承直官員照例查議。拖欠一成至五成以下者。按成給限。催交完納。如限滿不能完交者。即行革退。分別治罪。所欠錢糧。著落頂缺之人代為完納。承催官員。仍照例查議。

糧莊徵輸考成。○原定山海關內糧莊。於額外多納一石者。賞銀四錢。其最多之莊頭。除賞銀外。酌量賞予馬匹端罩。少一石者。責二鞭。鞭止

一百。○康熙二十四年奏准。糧莊納糧。不准溢額。不准賞銀。應徵者亦不准免。○三十九年奉旨。糧莊納糧。停止缺一石責二鞭之例。○五十五年議准。各莊頭急公無欠。經四五年者。給八品頂戴。二三十年無欠。及經年無欠。因年老不能當差者。均給九品頂戴。○雍正九年奏准。各莊應徵糧額。折為十分。未完一分至六分。承催之催長領催鞭責。承催官罰俸。皆以次加等。○又奏准。莊頭以次升等。有頂戴者。各加一級。無頂戴者。以次賞給九品。從八品。正八品。頂戴。其初次

降等。有頂戴者褫革。無頂戴者鞭八十。二次鞭一百。三次鞭一百。革退莊頭。○乾隆二年奏准。糧莊停止委官徵收。該領催於麥收秋收二季赴會計司交納。如至二三年無欠者。給九品頂戴。逾限不完。將領催莊頭一併治罪。○五年奏准。莊頭應交豆草及雜徵。題銷後給限四十日。按各徵額成數。統為十分。如有拖欠。照正賦例治罪。○六年奏准。自現年委官日起。給上年委官一月限。催徵未完之數。其交代接徵錢糧。如有未完。亦止察議原委官。○七年奏准。莊頭欠

糧已經奏

聞後於下月內交完所欠者。將應治罪革退之處。各按分數叢減。○九年奉

旨。欠糧六七分之莊頭。止加一月鞭四十。殊屬過輕。改為加四十日鞭六十。○十年奏准。於欠正賦及雜徵至八九分者。改為加兩月鞭八十。全欠者。加三月鞭一百。餘仍照四年定例。○五十七年奏准。嗣後莊頭。於欠錢糧。按所交糧豆豬穀草束銀兩。統計成數。分別治罪。其承催官員人等。亦按成分別議處。



糧莊勘災。○康熙九年奏准關內糧莊呈報旱  
澇。即委司官一人。內管領一人往驗。分別被災  
輕重。造冊結報本府。納糧時按驗冊結。開除糧  
額。○二十五年奏准查勘各莊報災。除被災地  
畝外。其餘不成災之地。在三頃九十畝以下者。  
令其養贍家口。在三頃九十畝以上者。仍令照  
例輸糧。○五十年奏准各莊被災之地。遇年者  
免其運廢草豆。但令納糧。不及年者。仍照例輸  
糧。○雍正元年奏准山海關外糧莊。遇旱澇報  
災。由錦州副都統郎中等官。查勘分數呈報。○

三年奏准查勘關內莊頭災地將成災分數按分額免仍於額納糧內按人給予口糧以資養贍。如有捏報五項以上。鞭八十。十項以上。鞭一百。所報全虛者。枷兩月。鞭一百。至查勘時報災不到之莊頭。鞭一百。革退莊頭。又奏准關外莊地遇災按分數蠲免其捏報者按捏報分數治罪。一如關內之例。十一年議准各莊遇有旱澇呈報地方官親勘成災分數申報總督。將原冊封送戶部轉送到府。由府委官會地方官履畝覆勘。與原冊相符者取具地方官印結分

析蠲免具奏。○乾隆四年奏准莊地內實有薄  
鹵沙壓不能按則輸將者即交地方官召民耕  
種輸租戶部。十一年議准莊園人等偶遇旱  
澇停委司官查驗令該莊頭將被災地畝一面  
報府存案一面報本地方官申詳附近大員委  
鄰近州縣即時會同查勘按其被災分數詳報  
總督取具該地方官及鄰境委官冊結咨府數  
對原報數目如果相符所有應行蠲免及應給  
口糧均照定例辦理其不符者按其捏報數目  
照例分別治罪

盛京糧莊如遇旱澇據掌關防佐領呈報

今由盛京內

總管務府分別奏請亦按被災分數蠲免○十三年

議准宣化府莊地十八所除應納錢糧止按現在畝數徵收外嗣後有報水衝沙壓者委本府官會同地方官勘實將此等地畝招民承種酌定租糧輸部○三十五年奉

旨向來內務府所屬莊頭每有因地畝薄鹹沙壓呈請退交另換者此等地畝莊頭等久經撥定當差伊等承充有年需被恩惠不少設或地有肥饒年有豐歉即加工墾闢亦分所當然乃因有退交之例動輒藉

口瘠淤紛紛呈請殊屬非理。使其地果不可耕治。何以交官後一招民種復為沃壤。若在莊頭則漸成蕪廢。在小民則馴致膏腴。其勤惰已可概見。而以農氓墾荒為熟之地。仍得任莊頭等換回奪民之業。而坐收其利。於情亦未平允。且伊等恃有此例。或與佃戶等交好。即退出交官。藉減租數。或覬覦上產。而以所授之田捏報求換。貪得無厭。因而滋生事端。種種情弊。皆所不免。嗣後各莊頭所種地畝。概不准其退交。其中遇有誤差不能承當莊頭者。即著內務府大臣查勘確實。另與能承種者承當莊頭。○三十九年奏

准。莊頭等呈報沙石壓蓋地畝。確查實係不能耕種者。即著地方官招民開墾。成熟後再行徵租。至水占成河之地。亦令地方官結報。由府轉行戶部註冊。其缺額地畝。毋庸另行補給。止按現在地畝計成交差。又定嗣後革退莊頭。如本身親丁。及別姓莊頭子弟內。有情願代完舊欠者。照例准其承充外。如無人頂補之地畝。交地方官招民耕種。輸租戶部。○四十七年奏准關內及

盛京錦州等處莊頭。並投充人等。呈報旱澇。自一

分至四分。不准呈報外。其五分以上。准與民地  
一律辦理。照例免其差務。毋庸給予口糧。○五  
十四年覆准。

盛京莊頭。嗣後呈報被災七分者。蠲免歲糧二成。  
五六分者。蠲免一成。其不敷支給辛者庫人口  
糧。及閏月加增口糧。每石折銀三錢。於

盛京房租銀兩內放給。其蠲贖糧石。亦著按石折  
銀三錢。分作二年帶徵歸款。○嘉慶四年奏准。  
關內莊頭等。嗣後呈報旱澇。照雍正三年例辦  
理。仍停止給予口糧。